

**Protocol da la sezzüda dal Cussagl cumünal da lündeschdi,  
20 avrigl 2009, a las 20.00, acta 14**

Preschaints: Jon Carl Rauch; Chasper Alexander Felix, Georg Salomon,  
Marianne Werro-Lehmann e Jachen Andri Schmidt

Patrizia Wieser (protocol)

**Tractandas:**

**109. Protocol**

Il Cussagl cumünal approva il protocol da la sezzüda dals 6 avrigl 2009, acta 13.

Protocol

**110. Orientaziuns**

Orientaziuns

1. Reclamaziun a regard chans

Il capo prelegia la charta scritta d'üna persuna chi nu's cuntainta culla situaziun actuala areguard il cuntgnair dals chans. Ella manzuna chi's vezza suvent chans sulets per cumün intuorn chi fan lur affars davant las portas. Differents possessurs da chans nu fan adöver dals sachins eui. Causa cha'l cumün da Sent nu posseda ingün uorden da pulizia bassa ingio chi'd es reglà quista fatschenda, e chi aintran però adüna darcheu reclamaziuns, decida il Cussagl cumünal da tour per mans plü a fuond quista chosa. Il Cussagl cumünal revain sün quista problematica.

2. Radunanza generala da l'Uniun dals Grischs

La radunanza generala da l'Uniun dals Grischs ha lö in sonda, 25 avrigl 2009 a las 9.30 i'l Hotel Spöl a Zernez. Sco represchantant pe'l cumün da Sent piglia part il capo.

3. Radunanza generala da la Bieraria da Tschlin

Il capo orientescha cha la radunanza generala da la Bieraria da Tschlin haja lö in sonda, 23 mai 2009 a Tschlin. Ün rapreschantant dal cumün piglia part.

6. Marchà da Therwil, venderdi 25.4.09

Cusgliera Marianne Werro orientescha, cha'l marchà da Therwil haja lö in sonda, als 25 avrigl 2009. Pel cumün da Sent piglian part quist on:

La chascharia, dna Sabina Stricker, la butia Schlerin, dna. Madlaina Rauch, dna. Brigitte Schnetzler e dna. Marianne Werro. Els expuonan prodots, tanter oter eir indigens.

**111. Permiss da fabrica – Erwin Schweizer ingrondir stalla tabla e remissa**

Sün dumonda da sar Erwin decida il Cussagl cumünal da dar il permiss pel intent manzunà cun seguaintas cundiziuns:

1. Tenor la dumonda acclusa al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:
  - taxa da trattamaint: fr. 200.--
  - BAB fr. 800.--

Permiss da fabric,  
Erwin Schweizer,  
ingrondir stalla, tablà e  
remissa

**112. Permiss da fabrica – Robert Schneider fouras geotermicas**

Sün dumonda da sar Robert decida il Cussagl cumünal da dar il permiss pel intent manzunà cun seguaintas cundiziuns:

1. Tenor la dumonda acclusa al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:
  - taxa da trattamaint: fr. 100.--

Permiss da fabric,  
Robert Schneider,  
fouras geotermicas,

### **113. Orientaziuns da fabrica**

Orientaziuns fabrica

#### **1. Pernet Martin e Gaby- lavurs da mantegnimaint**

Il schef da fabrica orientescha cha sar Martin e duonna Gabi Pernet hajan intensiun da far diversas lavurs da mantegnimaint in lur chasa nr. 602 in Bös-ch Grond.

1. Il Cumün in chascha seguaintas taxas tenor il reglamaint da taxas e sia agiunta:

- taxa da trattamaint: fr. 50.--

### **114. Augmait da la taxa d'erbadi**

Augmait da la taxa d'erbadi

Il capo spiega la fatschenda e la problematica dals paurs a regard metter ad alp il muvel e la bescha. A Sent vegna invernà daplü muvel e bescha sco ch'id es a disposiziun pas-ch. Implü prelegia el üna charta scritta da la società da bescha a regard quist tema. Davo lunga discussiun decida il Cussagl cumünal dad inviar quista charta al cusgliader agricul, sar Riet Pedotti per til laschar tour posiziun.

### **115. Fouras geotermicas – chasa cumünala Misoc (decisiun radunanza)**

Fouras geotermicas

La chasa cumünala Misoc nun es uschè veglia ma ella consüma fich bler'energia electrica. Id es aint ün'apparatura d'accumulatur (Speicher) chi d'eira quella jada chi's ha fabrichà actual. Intant s'ha la situaziun a regard adöver da forza electrica müdada ed i's es plü consciaint quai chi riguarda consüm d'energia. Sün dumonda esa gnü inoltrà ün'offerta per far fouras geotermicas per la chasa cumünala. Ils cuosts s'amuntan a fr. 85'000.--. Il Cussagl cumünal decida, cha cun quai cha nos s-chodamaint funcziuna amo bain e la forza electrica es pel mumaint amo relativ favuraivla, da stübgjar üna vairanta plü ecologica per la chasa cumünala pür al mumaint cha l'apparatura sto gnir müdada.

### **116. Deponia La Fuorcha**

Deponia La Fuorcha

Il Cussagl cumünal decida da metter la barriera da la deponia La Fuorcha ün toc plü aval. Uschè nu dovra ne Jürg Mader ed eir na Christian Hännny plü ingüna clav da la deponia. Clavs vegnan dattas oura be a la gliud chi va eir gio cun material. Il quantum chi po gnir deponà es eir fingià limità.

Cusglier Jachen Andri Schmidt tschercha ün lö adattà per far eventualmaing üna deponia publica per deponar aldüm. El piglia eir sü contact cun sar Not Pua per sclerir il problem da l'aldüm oura Pozzet.

### **117. Dumondas per contribuziuns**

Dumondas per contribuziuns

Sün dumonda da la Grotta da Cultura, decida il Cussagl cumünal da tils sustgnair cun fr. 1'000.-- per manar tras üna dieta cul tema Peider Lansel. chi ha lö als 27.6.09. La dieta vain organisada da la Grotta da cultura insembel culla Lia Rumantscha ed ha lö als 27.6.09.

Sün dumonda da la Società tregants per cumprar 50 giaccas novas, decida il Cussagl cumünal da surtour ils cuosts pel logo da fr. 1'500.--.

### **118. Cumprita – Chamonna Marjers**

Chamonna Mariers

Tenor charta dals 10 avrigl 2009 prevezza la Società d'alps e chascharia da Sent da vender la chamonna sün Marjers. Causa cha'l cumün ha il dret da precumprita fan els la dumonda, scha'l cumün vess interess da la chamonna da Marjers.

Al Cussagl cumünal mancan amo diversas infuormaziuns per trar üna decisiun. Il Cussagl cumünal revain sün quista tractanda.

## **119. Diversas schefs**

Diversas schefs

### 1. Sondaschas – Sanaziun dal tir da chatscha Parnarsura e dal tir vegl a Clüs

Il schef da fabrica orientescha ch'in marcurdi, 22 avrigl vegnan fattas las sondaschas cul chavattera dal tir da chatscha Parnarsura e dal tir vegl a Clüs.

### 3. Elecziun illa cumischiun da planisaziun

Sco commembers da la cumischiun da planisaziun vegnan elets: Chasper Alexander Felix, Thomas Hugentobler, Andri Pua, Johann Tschalär e Jon Peider Benderer.

### 4. Cumprita d'ün chavattera

Il Cussagl cumünal decida da comprar ün chavattera da la marca Catterpillar per ün predsch da fr. 16'600.--. L'import d'eira previss aint il büdget 2009.

Fin da la sezzüda: 23.00

Per l'actuar: